

## **Pwureng**

### **Kasukul**

- 1. Pwuhk Sarawi padahkiong mekoaros me kitail anahne ese pwe kitail en Wia mehkoaros me Kohte anahne kitail en wia.**
- 2. Kitail idawen Krai Kadehde oh sohte kapatahieng kosonned sang kadenhde mering.**
- 3. Peik meel kin wia dahme udahn pwung me Koht mahseni oh sohte wekila.**
- 4. Tehnpas en Koht iei mwomwohdiso me Sises kawada.**
- 5. Krai ih me moangen mwomwodiso ih me kamwakid dahme pahn wiawi Nan Mwomwodiso.**
- 6. Kitail kaudok ong Koht Ahl ni soang 5 me e koasoanedi dehr wekit.**
- 7. Dihp katohrorohr sang kitail sang Koht oh wado mehla ahpw mie koapworopwor.**
- 8. Aramas mourkila kalangen en Koht ni Ansou me e pwung kila ni peikiong e koasoandi.**

## Kasukul 9 - Mwurin Soulengla

### Mwurin Mourla kak ken salongala?


#### 2 Piter 2:20-22

20 “Pwe ma aramas akan pitlahsangehr manaman kehlail en sampah wet pwehki ar marainkilahr atail Kaun oh Sounkomour Sises Kraiss, re ahpw pwurehng liselipingkihla oh lohding pahn manaman pwukat, iren soangen aramas pwukat pahn suwed mehlel ni imwilah sang nin tapio. Mahkete e pahn mwahuong irail ma re sohte mwahn marainkihla pwungen kalahngan en Koht sang esehla, oh mwuhr re ahpw sohpeisang mahsen sarawi me koghieng irail. Dahme pweida reh rail kadehdehda duwen pwung en lepin kahs ko: “Kidi men kin pwurehng kang eh mwus,” oh “Pwihk men me duhduhwer, kin pwurehng tapwur nan pwelmatak.”

1. Mehteiko nan ire tikitik 20 dohsang dihp arail kan?  
A. Ei  
B. So
2. Dahme wiawihong Irail aramas kan me kamwakelesang dihp arail kan?  
A. Irail pahn momourte.  
B. Irail pahn pwureng dihp.
3. Mwurin irail pwuralang dihp ia iamwomwen irail?  
A. Duwehte  
B. Sakahakan sang Mwahn irail esela alen Koht.

Ni ansou me aramas kamwakele dihp arail oh irail pilada pwurelang soang en irail suwed melal sang in tapio e pahn mwahuong irail ma re sohte mwahn marainkila Kitail salongala mwahn Koht widen kitail sang dihp. Ma kitail pwuralang dihp oh wiada dihp kitail pahn salongala. Ma kitail sohte pwuredong Koht oh mehla. Kitail pahn lemeleme me koaros me kitail ale komour.

1. A 2. B 3. B



## Ia wasa me komourla kan pahn kohla ie ma re pahn mehla?

### Kolose 3:1-4


1 “Kumwail iangehr Krais iasada. Eri, kumwail kainenehda amwail lamalam akan ong ni mehkan me mi nanleng, wasa me Krais kin ketiket ie pohn mwoale ni palimaun en Koht. 2 Kumwail perenki medemedewe duwen soahng kan me mi wasao, kaidehn mehkan me mi sampah wet. 3 Pwe kumwail melahr, oh mourimwail iangehr Krais nekinekla rehn Koht. 4 Amwail mour mehlel, iei Krais; oh ni eh pahn sansalada, kumwail pil pahn iang sansalada oh iang ahneki sapwellime lingan!”

### 1 Sohn 1:5

“Eri, iei padahk wet me se rongasangehr Sapwellimen Koht Iehros, oh se pil padahkiwohng kumwail: Koht, iei marain, oh sohte kisin rotorot kis mi reh.”

4. Dahme kitail pahn Kiong oh nantiong raprapahki?  
A. Kepwen sampah  
B. Kepwen ngehn
5. Dahme kitail wehwehki?  
A. Kepwen sampah  
B. Kepwen ngehn
6. Mouren souleng pahn ketiket iawasa?  
A. Rehn Krais  
B. Rehn peneinei
7. Mimi ni lingan en Krais la wasa emen pahn anahne mihe?  
A. Rehn Krais  
B. Rehn peneinei
8. Ia uwen rotorot me mi rehn Koht?  
A. Me tikitik  
B. Sohte

4. B    5. B    6. A    7. A    8. B



**Ansou me kitail papidais kitail ale mehlan dihp. Koht kiong kitail nan paliwaren Krais. Duwen souleng kitail pahn nantihong mi ni oh len Koht. Rotorot iei dihp and rehn Koht sohte rotorot.**

## Dahme aoulang weia apwal?


### Madiu 25:1-13

1 “Ni ahnsowo Wehin Koht pahn rasehng serepein meipwon ehk me ale neirail lamp akan oh kohieila pwe re en kasamwo ohl kamwohd emen.” 2 “Limmen rehrrail loalopwon, a limmen me loalokong.” 3 “Me loalopwon ko eri tilehda neirail lamp ako, re ahpw sohte iangahki pile me itar.” 4 “A me loalokong ko re wahda kisin pwoatol kei diren leh, iangahki nair lamp ako.” 5 “Eri, ni ohl kamwohdo eh pwapwand en pwarodo, serepein ko koaros lusulusoite, meirla.” 6 “Nin lukepen pwohngo, ngihl eh pa likwer, patohwan, ‘Iet ohl kamwohdo, e samwodohr! Kumwail kohieido oh kasamwo!’ 7 “Serepein ko koaros ahpw pirida oh pwourda oh onopada neirail lamp ako.” 8 “Serepein loalopwon ko eri ndahng me loalokong ko, ‘Kumwail kidohng kiht mahs ekis pilen noumwail lamp akan, pwe nait kat pahn kunlahr.’ 9 “Me loalokong ko ahpw sapeng irail, patohwan, ‘E de sohte pahn itarohng kiht oh kumwail, me mwahu kumwail pein kohwei pwain pilen noumwail lamp akan nan sidohwa kan.’ 10 “Serepein loalopwon ko eri kohieila pwain pilen neirail lamp ako. Nindokon ar mihmiseli nan sidohwa ko, ohl kamwohdo pa leledo. Serepein limmeno me onopadahr, ahpw iang ketilong nan kamadipw en kapwopwoudo; wenihmwun ihmwo ahpw ritidi.” 11 “Kedekedeo, serepein teiko pwarodo. Re ahpw liklikwer sang liki, ndinda, ‘Maing, maing! Komw ketin ritingadahng kiht wenihmwun!’” 12 “A ohl kamwohdo sapeng irail, mahsanih, ‘Soh! I sehse ihs kumwail.’” 13 “Sises eri ketin kaimwisekala karasaras pwoatet, mahsanih, ‘Kumwail eri mwasamwasahn pwe kumwail sehse rahno de awao.’”

9. Meipwon ko rasehng aramas nan wehin Koht?  
A. Ei  
B. So
10. Meipwen koaros wihawi ketidong ohl kamwohd?  
A. Ei  
B. So
11. Irail meipwon koaros wada ieh?  
A. Ei  
B. So
12. Irail meipwon loalokong ko wada pile itar?  
A. Ei  
B. So
13. Irail meipwon loalopwon ko wada pile itar?  
A. Ei  
B. So
14. Ni en meipwon ko arail pwurodo re ahpw likilik wer sang liki ndinda komw ketin ritingadahng kit wenihm wen dame wiawi?  
A. Irail mweirmwei en ketilong  
B. Sises mahsani i sehse ihs komwail

9. A    10. A    11. A

12. A    13. B    14. B



Aramas koaros nan karasaras me mi nan wehio. Udahn pahn onopahdang Kaun-o e pahn ketido. Ahpw me loalopwon kan sohte itar ar onopahda nan kasukuhl we sewese kitail en wehweki me ekei aramas nan mwomwohdiso pahn salongala. E pil kasalehda me mie mehkot me kitail anane wia mwurin wiala souleng.

## Dahme kan me souleng pahn udahn wia mwurin ar mourla?

### Kaudiahl 2:10

Ke dehr masak dahme ke nektehn lokolongki. Kilang pwe Tepilo pahn kesehlong nan imweteng ekei kumwail, pwe en song amwail pwoson; oh erein rahn eisek kumwail pahn lokolongki. Ke en loalopwoatohng ie mehnda ma ke mehla, I ahpw pahn kihong uhk nihnen mour soutuk.


15. Souleng udahn pahn lel ong kalokolok?

- A. Ei
- B. So

16. Ma kitail loalopwoat ni atail mour dahme kitail pahn aledi?

- A. Nihne mour soutuk
- B. Mwohl

Kaudiahl nting ong souleng me kin kamakam ni arail kamelele Sises me ieiros en Koht. Irail udahn pahn poson mehnda ma re kamakam nan arail mour ma irail Wia mwo. Irail pahn ale di me keiu lapalap me irail ale mour soutuk deweh irail kan me momourki Koht lel mehla.



15. B   16. A

Dear keing ememen kauhdi sang uhk idawen Koht.

## Dahme kan me souleng pahn udahn wia mwurin ar mourla?

### Madiu 10:37

Mehmen me kin poakohng seme oh ine laudsang e poakohng ie, nahn e sohte warohng ie; oh mehen me kin poakohng nah pwutak oh nah serepein laudsang e poakohng ie, nahn e pil sohte warohng ie.

### Sohn 14:15

Ma kumwail poakohng ie, a kumwail pahn kapwaiada ei kosonned akan.

17. Warohng Koht dahme kitail pahn wia?  
A. Dahme atail peneinei mwahuki kitail en wia.  
B. Poakohng Koht laudsang atail peneinei.
18. Poakohng Koht dahme kitail pahn wia?  
A. Kapwaiahda ai kosonned kan.  
B. Wiahion atail peneinei peren.

17. B 18. A

Worohng kisakis sang Koht. Kitail udahn pahn poakohng Koht duwen souleng kitail pahn kaperenda Koht laudsang mehte kan oh atail peneinei . Me wehweki me kitail udahn pahn wia dahme e mahseni mehnda ma atail peneinei mwahuki kitail en wia mehkot.



## Dahme kan me souleng pahn udahn wia mwurin ar mourla?

### Madiu 6:33

Eri, kumwail rapahki mahs Wehin Koht oh dahme e kin ketin kupwurki, a soahng teikan koaros e ahpw pahn kin ketikihong kumwail.

19. Dahme kitail pahn nantiong?

- A. Wiahieng atail peneinei pan peren
- B. Wiahda peneinei namweirak

19. A

Duwen souleng kitail pahn nantihong idawen  
atail kak en doadoahk oh rapahki mahs  
wehin Koht oh Dahme e kin ketin kupwurki.



## Dahme kan me souleng pahn udahn wia mwurin ar mourla?

### Madiu 25:14, 29-30

14 Pwe Wehin Koht pahn rasehng aramas emen me pahn wia seiloak reirei ehu. E ahpw kapokonepene eh papah kan oh nehkohng ihr eh dipwisou ko;

29 Pwe mehmen me ahneki mehkot, kalaudpe pahn pil koghieng pwe en ahneki me laudsang; a me sohte eh mehkot, pil mehkiso me mie reh pahn kohsang. 30 A duwen papah soh katepe menet—kumwail kesepwekeilahng liki nan rotorot mosul; wasa e pahn sengiseng oh tehtehrek ngih kan.

### 1 Piter 2:2

Kumwail duwehla seri pwelel kan, me kin ngoangkihte kang pilen dihdi mehlel en pali ngehn pwe kumwail en keirda oh mourkihla.

20. B    21. A    22. B

23. B    24. A    25. A

20. Ihs irail aramas kan me pokonpene?

- A. Mehn liki
- B. Papah kan

21. En aramas doadoak dwehte nan wehi?

- A. Ei
- B. So

22. Dahme Soangen aramas en papah?

- A. Katepe
- B. Sohte katepe

23. Ia wasa soupapah menet mi nan mour soutuk?

- A. Nanleng
- B. Kisiniei

24. Dahme souleng kapw kan pahn lemeleme?

- A. Malhsen Koht
- B. Pwuhka ileili nan wehio

25. Karepe da me kitail Anhne ki mahsen en kadidi?

- A. Kekerida
- B. Kiong seri kan rehn Krais

En sounpapah nan wehio sohte men keirda oh wia laudsang. Met karasa raso kasaleda me irail me sohte katpen oh mini nan kisiniei soatuk.

Ma kitail mimi ni mahsen Koht duwehte kisinseri kitail pahn keirda oh pwehki katapan nan mwomwodiso.



## Dahme kan me souleng pahn udahn wia mwurin ar mourla?

### 2 Timoty 2:15

Wia uwen omw kak mwohn silangin Koht, pwe en ketin pwungkin uhk, nin duwen soundoadoahk men me sohte kin namenengki eh doadoahk, me kin padahkihong aramas akan mahsen en Koht ni mehleh.

26. Ni kasalenpen omwi alahlda. Dahme Koht mahsaniong souleng kan ren wia nan mahsen wet?

- A. En rong sounpadahk
- B. En onop

Duwen kitail souleng en kekeirda kitail udahn pahn onohnop kanaiong kolokol Pwuhk Sarawi pwung oh kitail sohte pahn kelukihla pwehki atailese dah me Koht anhne kitail en wia. Ma kitail peikiong ih. Kitail en ese me kitail pwung la rehn Koht.



26. B

## Dahme kan me souleng pahn udahn wia mwurin ar mourla?

### Rom 12:12

Amwail koapworopwor en kaparankumwailda; kumwail kanengamahiong amwail apwal akan; kumwail poadidiong kapakap ahnsou koaros.

### Deselonika 5:17

oh poadidiong kapakap pil ahnsou koaros.

27. Dahme kitail Udahn pahn wia?

- A. Kapakap
- B. Mahkiong pein kowe

Souleng udahn pahn kapakap ansou koaros.

27. A



**Ipru kan 10:24-25**

24 Kitail nsenoh sawaspene ni kasalepen atail limpoak oh atail wiewia mwahu kan. 25 Kitail dehr tokedihsang atail tiahk en pokonpene, duwen ekei ar kin epwehni wia. A kitail nantihong kakehlaka nan kapehd en emenemen, pwe duwen amwail ese Rahnen Kaun-o kerendohr.



28. Ihs me kitail lemeleme duwe?

- A. Pein kitail
- B. Souleng teikan

29. Dahme kitail Sohte pahn tokedisang?

- A. Pokonpene koaduk
- B. Wia dahme kitail anhne

30. Ia mwomwen kakehlaka mehteie kan?

- A. Pokonpene
- B. Mimi nan ihmu

28. B 29. A 30. A

Koht mahseni me ong souleng Pahn pokonpene oh koadok ni tepin week doaros.

**En moutla kitail udahn pahn mi rehn Kraiss iahd me kitail mehla ansou me aramas peikiong Koht oh wiala souleng Koht ketikiong irail ni paliweren Kraiss. Lei mwomwohdiso en aramas e pilida kkohsang ni paliwaro. Ni Ansou me aramas pilipil ekei wia met nie idawen padahk likamw. Ekei wia me pwehkiarail lingerenger ong Koht oh mwahuki sopei ong me dihp mehteiko wia me pwehki irail sohtemwahuki wia doadoak ong Koht. Mehkot mwahu duwen met erein aramas o pahn momour irail pan pilada ma re pahn keluhla oh pwiualang Koht. Ia wasa irail nekinekid paliwaren Kraiss seri en Koht kitail anane sounpapah loaloapoat men met kin kiong kitail en koadok ni e kaweid onop kekeirda oh wia uwen atail kak ni mour en alen Koht.**

